

OFFICIUM

S. THOMAE DE VILLANOVA

Ex Ord. Eremit. S. Augustini
ARCHIEPISCOPI VALENTINI

Cognomento

ELEEMOSYNARI

A Sac. Rituum Cong. approbatum,

Et eidem Ordini vnà cum Octaua
concessum.



ROMÆ,

Ex Typographia Reu. Cam. Apost. M.DC.LXII.

OF THE
2 THOMAS
DE WILLIAMS

THE HISTORY OF THE
REIGN OF THE

ELIZABETH

THE SECOND

BY
JOHN



THE HISTORY OF THE REIGN OF THE ELIZABETH THE SECOND

102
Die xviij. Septembris.

IN FESTO
S. THOMAE
DE VILLANOVA
CONF. PONTIFICIS
DVPLEX S. C.

In primis Vesperis.

Antiph. Ab Vtero Matris cum Beato Thoma egressa est miseratio, & crevit cum illo ad splendores Sancto-
rum. **Psal.** Dixit, &c.

Antiph. Memoriam fecit mirabiliū Domini, seruus fidelis, & prudens, escam dedit timentibus eum.

Psal. Confitebor, &c.

Antiph. Misertus est, & cōmodauit: disperfit, dedit pauperibus, iustitia eius manet in sæculum sæculi.

Psal. Beatus vir, &c.

Antiph. Suscitauit à miserijs inopes, & de puluere

erexit pauperes **Psal.** Lau-
date pueri, &c.

Antiph. Confirmata est super egenos misericordia eius, & nomen eius manet in æternum. **Psal.** Laudate Dominum omnes, &c.

Capitulum. Tob. 12.

Bona est oratio cum ieiunio, & eleemosyna magis, quàm thesauros auri recondere: quoniam eleemosyna à morte liberat, & ipsa est, quæ purgat peccata, & facit inuenire misericordiam, & vitam æternam.

R. Deo gratias.

A 2

Hym.

Hymnus.

Iste confessor Dñi co-
lentes,
Quem piè laudant populi
per Orbem,
Hac die lætus meruit su-
premos

Laudis honores.

Qui pius, prudens, humi-
lis, pudicus,
obriam duxit sinè labe
vitam,
nec humanos animavit
iuræ

Spiritus arctus.

Cuius ob præstans meritum
frequenter,
Aegra quæ passim iacuerè
membra,
Viribus morbi domitis,
saluti

Restituuntur.

Noster hinc illi Chorus
obsequentem
Concinit laudem, cele-
bresquè palmas,
Vt pijs eius precibus iuue-
mur

Omne per ævum.

Sit salus illi, Decus, atquè
virtus,
Qui super cœli solio co-
ruscans,

Totius Mundi seriem gu-
bernat

Trinus & Vnus.

R. Amen.

V. Ora pro nobis B. Tho-
ma.

R. Vt digni efficiamur pro-
missionibus Christi.

Ad Magnificat.

Antiph. Filius accrescens
Thomas: ceruus emissus,
dans eloquia pulchritudi-
nis, pinguis panis eius, &
præbebit delicias Regibus.
Gen. 49.

Oremus.

Deus, qui B. Thomam
Pontificem insigni in
pauperes misericordiæ vir-
tute decorasti; quæsumus,
vt eius intercessione in-
omnes, qui te deprecantur,
diuitias misericordiæ tuæ
benignus effundas. Per
Dominum, &c.

Ad Matutinum. Inuitato-
rium.

Sacerdotem in æternum
Christum Dominum, qui
Thomam Præsulibus posuit
in exemplum, Venite ado-
remus. Psalm. V enite, &c.

Hym-

Hymnus.

Iste confessor, &c. *ut supra*
in Vesperis.

In primo Nocturno.

Antiph. Tanquam lignum,
quod plantatum est secus
decursus aquarum, fructum
suum dedit in tempore suo.

Psal. *B*eatus vir, &c.

Antiph. Prædicans Præcep-
tum Domini, tanquam va-
sa figuli confregit vincula
peccatorum. **Psal.** *Q*ua-
re fremuerunt, &c.

Antiph. Suscepisti eum Do-
mine in Monte sancto, ut
esset super Populum tuum
benedictio tua. **Psal.** *D*ne
quid multiplicati sunt, &c.

Ps. Amavit eum, &c.

R. Stulam gloriæ, &c.

Lectio j.

De Epistola prima B. Pauli
Apostoli ad Timotheum.

Cap. 3.

OPortet Episcopum
irreprehensibilem
esse, unius Vxoris
virum, sobrium, pruden-
tem, ornatum, pudicum,
hospitalem, doctorem, non
vinolentum, non percussio-
rem, sed modestum, non

litigiosum non cupidum;
sed suæ domui benè prepo-
situm: filios habentem sub-
ditos cum omni castitate.
Si quis autem domui suæ
præesse nescit, quomodo
Ecclesiæ Dei diligentiam
habebit? Exemplum esto
fidelium in verbo, in con-
uersatione, in charitate, in
fide, in castitate. Attende
lectioni, exhortationi, &
doctrinæ. Noli negligere
gratiam, quæ in te est, quæ
data est tibi per Propheti-
am cum impositione manuum
presbyterij. **Tu** autem, &c.

R. Thesaurizate vobis the-
sauros in cælo; **V**bi enim
thesaurus vester est, ibi &
cor vestrum erit. **Ps.** Bene-
ficentiæ, & communio-
nis nolite obliuisci. **V**bi
enim, &c.

Lectio ij. *Cap. 6.*

ESt autem quæstus ma-
gnus pietas cum suf-
ficientia. Nihil enim intui-
limus in hunc mundum:
haud dubium, nec auferre
quid possumus. Habentes
autem alimenta, & quibus
regamur, his cōtenti simus.

A 3

Nam,

Nam, qui volunt diuites fieri, incidunt in tentationem, & in laqueum Diaboli, & desideria multa, & inutilia, & nociua, quæ mergunt homines in interitum, & perditionem. Radix omnium malorum est cupiditas: quam quidam appetentes, errauerunt à fide, & inseruerunt se doloribus multis. **Tu autem Domine, &c.**

R. Audi præcepta Domini, & ea in corde, quasi in libro scribe: **Peccata tua eleemosynis redime.**

W. Quia Deus misericordiam vult, & non sacrificium. **Ieccata, &c.**

LECTIO iij. Cap. 6.

TV autem, ô homo Dei, hæc fuge, sectare verò iustitiam, pietatem, fidem, charitatem, patientiam, mansuetudinem. Certa bonum certamen fidei, apprahende vitam æternam, in qua vocatus es, & confessus bonam confessionem coram multis testibus. Diuitibus huius sæculi præcipe non sublimè

sapere, nequè sperare in incerto diuitiarum; Sed in Deo viuo, qui præstat vobis omnia abundè ad fruendum, benè agere, diuites fieri in bonis operibus, faciliè tribuere, communicare, thesaurizare sibi fundamentum bonum in futurum, vt apprehendant veram vitam. **Tu autem, &c.**

A. Abscondite eleemosynam in sinu pauperis, & ipsa orabit pro vobis ad Dominum: **Quia sicut aqua extinguit ignem, ita eleemosyna extinguit peccatum.**

W. Date eleemosynam, & ecce omnia munda sunt vobis. **Quia sicut, &c. Gloria Patri, &c. Quia sicut, &c.**

In secundo Nocturno.
Antiph. Magnificauit Dominus sanctum suum, per quem ostendit nobis bona.
Psal. Cum inuocarem, &c.
Antiph. Beatus iste sanctus qui in multitudine misericordie suæ introiuit in Domum Domini. **Psal.** Verba mea, &c.

Antiph. Minorasti eum paulo minus ab Angelis, gloria,

ria, & honore coronasti eum. **Psal.** Domine Dominus noster, &c.

V. Elegit eū Dominus, &c.

R. Ad sacrificandum ei, &c.

Lectio jv.

Sanctissimus, Deoque maximè dilectus Sacerdos Thomas ortum habuit in Castro Fontis plani, Diœcesis Toletanæ ex honestis catholicisq; parentibus Thoma Garzia, & Lucia Martinez Castellana, ad eò charitati deditis, ut nunquam à se vacuo sinu egenum abire permiserint. Hinc puer, veluti ingenito quodam pietatis, & misericordiæ sensu visus antea se Deo dicare, quàm Deum posset per ætatem cognoscere. Ientaculum suum, cum gymnasium peteret, esurientibus partiri cōsueuerat: inde cum rediret, pauperum ut regeret nuditatem, suis se indumentis exuere, & matrē enixè precari, ut quotidianis elemosynis prandium suum adijcere sibi liceret, spondens se ea die minimè co-

mesturum. Pio nempe ieiunio satur mentē diuina esurientem celestibus dapibus recreabat. **Tu autem, &c.**

R. Indicabo tibi, o homo, quid sit bonum: **Deus** requirit à te facere iudicium, & diligere misericordiam. **V.** Qui ergo misericordiam à Deo petis, Misericordiā pauperi exhibeas. **Deus** requirit, &c.

Lectio v.

AD Xenodochium reficiendis languentibus oua recētiora portabat, ipsolquē etiam sublato Gallinæ pullos, si quādo mater solitam elemosynam nō pręparasset, pauperibus distribuebat. Mes-soribus pręfectus, non illorum solum, sed & sibi destinātū cibum, colligentibus spicas partiebatur; semper tamen parentum imperio æquē subditus, quam charitas in Deum laudabiliter suaderet. Cōcupiscentiam carnis, valido sanctitatis rigore calcavit; corpusculum suum in seruitutem redigens cilitio, & flagellis.

Adeò exinde modestus, vt defigeret ſemper in terram oculos; adeòquè caſtus, & pudicus, vt virgo permanſerit ad extremum vſque ſpiritum, Et verbum nunquam protulerit, quod puritatem cordis non redoleret. **T**u autem, &c.

R. Solem ſuum Dominus oriri facit ſuper bonos & malos, qui fecerit miſericordiam, amen dico vobis:

Nō perdet mercedem ſuā.

¶ Quia ſcriptum eſt quod vni ex minimis meis feciſtis, mihi feciſtis. **N**on perdet, &c.

Lectio vj.

Vix quarto ætatis luſtro expleto, miſſus ad Sancti Ildephonſi Collegium Complutenſe, in diſciplinis ibidem, & facultatibus, omniquè virtutum genere Doctores ipſos facile ſuperavit, Quare cathedram ſtatim aſcendere iuſſus, Logicas, & Theologicas deinde quæſtiones explanauit. Iam verò in Paleſtra Chriſtiana ſatis edoctus, atquè Euangelici

memor effati: qui non renuntiat omnibus, quæ poſſidet, non poſeſt meus eſſe diſcipulus: audito patris obitu, Cathedræ ornamentiſ, commodiſquè ſe mox abdicauit, & patrimonium integrum virginibus dedit. Inclinauit interim aurem ſuam, vt audiret loquentem in ſe Dominum, & dicentem: obliuiſcere populum tuum, & domum patris tui. Vnde ne ſæcularium ſtrepitu curarū à perfectæ cum Deo vnione diſtraheretur, Ordini Eremitarū S. Auguſtini, ſolemni votorū profeſſione nomen dicauit in Conuentu Salmaticenſi exactis per annū mira vitæ aſteritate Religionis rudimentis. **T**u autem, &c.

R. Surrexit filius ſenſatus, eruditus in iuuentute ſua, dilectus in pace ſua **V**erbum ipſius qualiſ facula ardebat.

¶ In eo completus eſt ſpiritus Patris. **V**erbum ipſius, &c. **G**loria Patri, &c. **V**erbum ipſius, &c.

In tertio Nocturno .

Antiph. Qui pecuniā suam dedit Domino ad vsurā, habitat in Tabernaculo eius .

Psal. Domine quis habitabit, &c.

Antiph. Posuit dorsum suum pro peccatoribus, & præuenit eos Dominus in benedictionibus dulcedinis. **Psal.** Domine in Virtute, &c.

Antiph. Innocens manibus & mundo corde ascendit in montem Domini. **Psal.** Domini est terra, &c.

V. Tu es Sacerdos, &c.

R. Secundū ordinem, &c.

LECTIO vij.

LECTIO S. Euangelij secundum Lucam. Cap. 12.

IN illo tempore dixit Iesus discipulis suis: Vendite quæ possidetis, & date eleemosynam. Et reliqua.

Homilia Sancti Thomæ
Episcopi

Conc. 2. de S. Martino .

Quam validum aduersus peccata remedium, quàm efficax & salubris peccatorum nostrorum medicina, Elec-

mosyna sit, pluribus scripturæ testimonijs roborabimus. Et quidem nunquam Deo tam gratam eleemosynam nostrarum paruitatum existimassem, nisi hoc me sacrarum Scripturarū lectio docuisset. In Ecclesiastico legimus: ignem ardentem extinguit aqua, & eleemosyna resistit peccatis. In Apostolorum Principe: Charitas operit multitudinem peccatorū. Et quoties Dominus in Euangelio repetit: misericordiam volo, & non sacrificium? & Paulus ad Hebræos: Beneficentiæ, & cōmunionis nolite obliuisci: talibus enim hostijs promeretur Deus. **Tu** autem, &c.

R. Frange esurienti panem tuum, & egenos, vagosquē induc in domū tuam: tunc erumpet quasi mane lumen tuum, Et anteibit faciem tuam iustitia tua.

V. Cum videris nudū, operi eum, & carnem tuam ne despexeris. **Et** anteibit faciem, &c.

Super omnia me mouet, cū Dominus aduersus Phariseos, & Scribas gentē pestiferā & subdolam diutius inuēctus proclamasset: Væ vobis Scribæ & Pharisæi, hypocritæ, qui clauditis Regnum Cælorum. Væ vobis hypocritæ, qui comeditis domos viduarum, orationes longas orantes. Væ vobis, qui decimatis mentam, & anetum. Væ vobis, qui similes estis sepulchris dealbatis. Post tam acrem repræhensionē, & terribilem inuēctiuam, quis huiusmodi hominibus damnatissimis vllum salutis locum relictum esse putaret? his tamen perditissimis post omnia consilium præbet. Veruntamen, inquit quod superest, quod vobis reliquum est, vnicum & salutare remedium: date eleemosynam, & omnia munda sunt vobis. Nequē hoc illis reliquum esse flagitiorum remedium, idē Dominus dicit quasi alia peccatorum remedia non

sint, sed quia teneri & delicati se ipsos nimis amantes acerbiora remedia non capefferent. **Tu** autem, &c. **&** Sapientia & disciplina, timor Domini. **Et** quod beneplacitum est illi fides & mansuetudo: Et adimplebit thesauros illius.

V. Qui timetis Dominum, diligite illum, & illuminabuntur corda vestra: **Et** adimplebit, &c. **Gloria Patri, &c.** **Et** adimplebit, &c. **Lectio ix. nisi venerit in Dominica.**

Vnde & nos diuitibus nostri temporis hoc ipsum dicere non incongruē possumus; qui cum ad omne opus asperitatis, & pœnitentiæ, ad omnem orationem, deuotionem & compunctionē, ad omnem humilitatem, inedia & vigilias ineptissimi sint, & bonis huius sæculi lautissimē perfruatur, nisi ad eleemosynæ præsidium sapienter refugiant, præclusa eis videtur omnis alia via salutis. Si enim aduersus peccata eleemosyna non vale-

ret,

ret, inutile consilium videretur remittere ad elemosynas, quæ tam vrgenti necessitati remedium non præberent. Peccata tua, inquit, consultus Prophetæ sanctus, elemosynis redime. Sunt enim peccata venalia, & pauperes venditores, quibus pœnarum fisci sui Deus gratiam fecit, & iniurias suas alijs vendere permisit, vt inde pascantur. Sicut de Sacerdotibus etiam scriptum est: peccata populi mei comedent. Tu autem, &c. Te Deum laudamus, &c.

Ad Laudes, & per horas.

Antiph. Amplificatus est in mirabilibus suis, in omni ore quasi mel' indulcabitur eius memoria. *Ecccl. 48. 49.*

Psal. Dominus regnavit. cum reliquis.

Antiph. Natus est homo Princeps Fratrum, firmamentum gentis, stabilimentum populi. *Ecccl. 49.*

Antiph. Lætetur anima vestra in misericordia eius, & non confundemini in laude ipsius. *Ecccl. 5. 1.*

Antiph. Effudit in fundamento Altaris odorem divinum, oblatio Domini in manu ipsius. *Ecccl. 50.*

Antiph. Ornauit tempora vsquæ ad consumationem vitæ, vt laudaretur nomen sanctum Domini. *Ecccl. 47.*

Capitulum.

Bona est oratio, &c.

Vesperis.

Hymnus.

IESU Redemptor omnium Perpes corona Præsulû,

In hac die clementius.

In dulgeas precantibus

Tui sacri qua nominis

Cōfessor almus claruit;

Huius celebrat annua

Deuota plebs solemnia.

Qui ritè mundi gaudia

Huius caduca respuens,

Aeternitatis præmio

Potitur inter Angelos

Huius benignus annue.

Nobis sequi vestigia:

Huius precatu seruulis;

Dimitte noxam criminis.

Sit Christe Rex pijsime

Tibi, Patriquæ Gloria;

Cum Spiritu Paraclito

Nunc, & per omne seculum.

Amen.

Ora pro nobis B. Thoma

Ve digni, &c.

Ad Benedictus.

Antiph. Thomas amantissimus Domini, habitabit confidenter in eo, immolabit victimas iustitiæ, benedictus in filiis, placens in fratribus, vidit principatum suum in parte sua Doctor repositus. *Deuter. 33.*

Oremus.

Deus, qui B. Thomam Pontificem, &c. *ut in Vespertis.*

Ad tertiam. **Antiph.** Natus est, &c.

Capit. Iona est oratio, &c.

B. Breue. Amauit eum Dominus, & ornauit eum.

Amauit. **V.** Stola gloriæ induit eum, & ornauit.

Gloria. Amauit. **V.** Elegit eum Dominus Sacerdotem sibi. **R.** Ad sacrificandum ei hostiam laudis.

Ad sextam. **Añs.** Lætetur anima, &c. *Isa. 58.*

Capit. Frange esurienti panem tuum, & egenos, vagosque induc in domum tuam, cum videris nudum, operi eum, & carnem tuam ne despexeris. Deo gratias.

B. Breue. Elegit eum Dominus Sacerdotem sibi.

Elegit. **V.** Ad sacrificandum ei hostiam laudis. **Sacerdotem.**

Gloria. **R.** Elegit.

V. Tu es Sacerdos in æternum. **R.** Secundum ordinem Melchisedech.

Ad Nonam. **Añs.** Ornauit, &c. *Ecc. 29.*

Capit. Qui facit misericordiam, foeneratur proximo suo, & qui praualeat manu, mandata seruat. Deo gratias.

B. Breue. Tu es Sacerdos in æternum. **Tu es.**

V. Secundum ordinem Melchisedech. In æternum.

Gloria. **Tu es.** **V.** Iustum deduxit Dominus per vias rectas.

R. Et ostendit illi Regnum Dei.

In secundis Vespertis. omnia ut in primis. & loco ultimi Psal. Memento Domine David.

Ad Magnificat.

Añs. De benedictione Domini terra eius: de pomis fructuum Solis, & Lunæ: De vertice antiquorum montium, de pomis collium æternorum benedictio illius. *Deut. 33.*

Pro

Pro Sanctis Martyribus

Afflictorum est, &c. **B**le-
ssamini in Domino, &c.

Et gloriamini, &c.

Cremus.

Deus, qui nos annua
Sanctorum Martyrū
tuorum, Ianuarij, & Socio-
rum eius, solemnitate lati-
ficas: concede propitius,
vt quorum gaudemus me-
ritis, accēdamur exemplis.
Per Dominum, &c.

Die 19. 20. & 21. Officium
de occurrente, & comine-
moratio de Octaua S. Tho-
mæ, vt supra in Laudibus,
& secundis Vesperis.

Die 22. infra octauam San-
cti Thomæ.

Lectiones primi Nocturni
de feria occurrente.

In secundo Nocturno.

Lectio iv.

AEmulabatur porrò
Thomas charisma-
ta meliora, primus in cho-
rum ingredi, nouissimus
egredi: in meditationibus
assiduus; in abstinētia exa-
ctissimus: In humilitate
sublimis, in paupertate di-
tissimus: in obedientia in-

regerrimus: in castitate
perpetuus: ita deniquè to-
tus suus, & totus omnium;
vt nequè communitas eum
à custodia sui, nequè pro-
prietas ab vtilitate proxi-
mi detineret. Hinc eam
breui Religionis metam
attigit, vt vix biennio post
Votorū emissionem elapso
Conuentus Salmāticensis
Prior fuerit renunciatus.
Ad alia deindè munera ho-
noratiora gradatim omnia
admotus, tam egregijs vi-
tæ & morū exemplis præi-
uit, vt Regularis disciplinæ
integritatem summo fructu
propagarit. Tu autem, &c.

In dicabo tibi, &c.

Lectio v.

Inter hæc iussus talentū
sibi à Domino concre-
ditum, vt sapientissimus
dispensator, in communem
vtilitatem conuertere; In
Cōuentu Salmāticensi Ma-
gistrum sententiarū, & Re-
ligiosis sui Ordinis & exte-
ris exposuit, tanto cum
discipulorum profectu, vt
dum Prioris Prouincialis
officio postea fungeretur,

plu-

plures ex illis, iuxta normam Apostolicam planè formatos, dignosquè inuenerit, quos velut Angelos veloces ad Infidèles Christiana Religione imbuedos transmitteret in Americam. Fauit Clementissimus Dominus, qui non sine magno Christianæ Reipublicæ emolumentò, tam pios conatus felicissimo euentu comprobare dignatus est. Dum vero in istis versatur, spiritus Domini misit, & ipsum pauperibus euangelizare. **Tu autem, &c.**

R. Solem suum, &c.

Lectio vi.

EX Cathedra porrò ad suggestum per obedientiam trāsatus, potens in opere, & sermone, cunctorū rexit affectus, acutusquè direxit: Singulorum, correxit excessus; honestauit mores; vitamquè composuit. Vnde visus est populo tuba vitæ, & vox cœlorum; vas quoquè electionis, vt portaret nomen Iesu coram Regibus, & Principibus. Ea propter Ca-

rolus Quintus Imperator Thomam sibi à Concionibus esse iussit, eique Episcopatū Granatensem spontè offerri; sed quæ Thomas generosè repudiavit, gaudens abiectus esse in domo Dei sui. Non potuit tamen Valentinum declinare; quod eodem Imperatore eiusq: filio Philippo Secundo Hispaniarum Rege petentibus, à suo Superiore adigeretur. Inuitus ergo & lachrymans cellam, deseruit, fastuquè solemnissimus ingressus vitato, gregalis Religiosi habitu indutus, pedes vnà cū Socio ad Ecclesiam Cathedralem perrexit. Ab hoc exorsus humilitatis fundamento, vt Præfulis officiū, quò profundius stabiliret, eò solidius, & sublimius eueheret. **Tu autem, &c.**

R. Surrexit filius, &c.

Interno Nocturno.

Lectio vij.

Lectio S. Euangelij secundum Lucam. .Cap. 12.

IN illo tempore dixit Iesus discipulis suis: vèdite quæ

que possidetis, & date eleemosynam: Et reliqua.

Homilia S. Thomæ Episcopi. Conc. 2. de S. Martino.

Verè Beatus, qui intelligit super egenum & pauperem, saltem super se ipsum ut inopiā, & paupertatem suam in tempore necessitatis suppleat, & in die mala liberet eū Dominus. Sed vtiliter ad propositum intelligentia opus est. Intellige ergo super egenum quid, cui, quantū, propter quid, & quomodo tribuis. Volo primò, ut intelligas, quid des: numquid vitam, numquid animā, numquid te ipsum & omnia tua? Si reliquijs domus tuæ Christi pauperes alis, quid multum pro Deo facis, si reliquias ei reddis, qui tibi omnia dedit? Super hoc Dominum audi in Euangelio: Si iniquo Mammonæ fideles non fuistis, quod verum est, quis credet Vobis? Etsi in alieno fideles non fuistis, quod vestrum est, quis dabit vobis? Si alienæ substantiæ largus di-

spensator existis, quid multum facis? Tu autem, &c.

✠. Frange esurienti, &c.

Lectio viij.

Nolo tamen putes eleemosynam sola pecunia, & exterioribus munusculis æstimari. Quid est eleemosyna, nisi subuentio pauperis propter Deum? Anima plus est, quàm corpus; & animæ necessitas, quàm corporis maior est: Et vbi maior indigentia, ibi potior eleemosyna. Si subuenire corpori perituro eleemosyna videatur; quanto potius animo æternum victuro, nè pereat? corripe fratrem, obsecra, increpa, argue, admones, adiuua, cohibe à peccato quantum potes; consule, doce, carpe, ut à peccatis resurgat; & optimā coram Deo eleemosynam tribuisti: Non putent pauperes quòd bono eleemosynę priuati sunt; possunt, & ipsi si volunt pretiosas & præclaras Deo eleemosynas facere; opera enim misericordiæ spiritualia coram Deo

Deo potiora sunt. Tu autem, &c. B. Sapientia, &c.

De SS. Martyribus Maurilio, & Sociis. Lectio ix.

Cum Maximianus Imperator, ducto in Galliam exercitus, in finibus sedunorum sacrificij causa, constitisset, Thebæorum legio, ne se impiorum sacrorum Societate cōtaminaret, à reliquis copiis discessit. Quare Imperator misit ad eos milites, qui suo nomine nunciarent, ut si salui esse vellent, in castra ad sacrificia redirent. Qui se christiana Religione impediri, responderunt. Quorum responsum ille indignissimè ferēs, maiori iracundia, quàm antea, exarsit. Itaque immissa parte, Exercitus in Thebæos, ducit, quemque eorum primum occidi iussit, & martyrium sua sponte, & maximeque hortatore, & exemplo, ferre maluerunt, quam imperata facere nefarij Imperatoris: ac deinde reliquos omnes, constantissimè Christum prædicantes,

x. Kal. Oct. abvniuerso exercitu trucidari imperat. Tu autem, &c. Te Deum, &c. In laudibus fit com. de SS. Die 23. Officium fit de occurrente cum commemoratiō S. Thomæ.

Die 24. infra octauam. In primo Nocturno Lectio- nes de scriptura currente. In secundo Nocturno.

Lectio iv.

In illo Cathedrę Archiepiscopalis fastigio bonus Pastor Thomas animā suam posuit pro ouibus suis: Et licet gladius persecutoris eum non abstulerit, martyrij tamen palmam non amisit: Ecclesiasticā enim disciplinam, & laicorum mores coacta Synodo Protantiali, multis affectus indo, restaurauit. Plurimum sanguinem melioris vitæ seminatione, hortando, ieiunando, proprio etiam, & iteratis flagellationibus fundendo, reuocauit. Inuictum animum in tuendis Ecclesię iuribus, & auctoritate, probauit, paratus quauis pati supplicia,

& gloriosam potius mortem, quàm odibilem vitam amplecti. Qua eximia charitate, quidquid infirmum erat, consolidauit; quod ægrotū, sanauit: quod fractum, alligauit: quod abiectum, reduxit. **Tu** autem, &c.

R. Indicabo, &c.

Lectio v.

Q Vos autem obsecrando, & arguendo, corrigere non poterat, verberibus emendauit; quæ sibi ipsi corā illis tam acriter, tamquē diū inflixit, donec qui meruerant, ad prænitentiam compellerentur. Sic igitur semetipsum pro suis offerens holocaustum, in labore, & ærumnis, in vigilijs & ieiunijs, arguens obsecrans, increpās in omni patientia, & doctrina, omnibus omnia factus est; ut omnes lucrificeret. Vnde vnā omniū voce, alter veluti Paulus, diuinus intellectus, Spiritus sancti organum, diuinique amoris cereus proclamabatur. Adeo nimirum Dei amore

flagrabat, ut passim dicere soleret, sibi propemodum tolerabilius videri, se in infernum dimitti, quàm Deū non diligere: Et præ ignibus & tormentis illud vnum expauescere, quod, qui cruciantur in inferno, Deum oderunt. **Tu** autem, &c.

R. Solem suum, &c.

Lectio vj.

Erga pauperes quidem admirabili semper studio se flagrare, sed maximè Pontifex, ostendit. Illis ut largius subueniret, lacera: ipse induebat vestes, quæ proprijs manibus sarciebat. Cubiculum incolebat stercis vestitū; Lectum sternebat sarmentis. Mendicos sæpè cōuiuas habuit ex eadem sua patina: ipse verò adeo parcè comedebat, ut licet senio & infirmitate confectus, non nisi vnico, eoque modico ferculo mensam instrui permiserit; iniquum dicens, ut seruus pinguiori cibo, quā Domini sui pauperes, vesceretur. E cubili lintea,

ex humeris pallium, & è corpore indusium nudis operiendis, largiebatur, S. Patris Augustini perfectus imitator & filius, nihil suum æstimans, sed totum commune cum fratribus. Quare, & S. Gregorij Magni vestigia secutus, cathalogum pauperum omnium pœnes se tenebat, vt singulis pro egestate succurrere posset. **Tu autem, &c.**

R. Surrexit filius, &c.

In tertio Nocturno.

Lectio vij.

Lectio S. Euangelij secundum Lucam.

IN illo tempore dixit Iesus discipulis suis: Vendite quæ possidetis, & date eleemosynam. Et reliqua.

Homilia S. Thomæ Episcopi. **Concio 2. de S. Martino.**

VIdendum est secundo, cui eleemosyna fiat: non quod merita pauperum discernamus. Intellegè, vt benè agas. Noli valdè discutere, cui agas: nam etsi pauper malus sit, & ingratus, Deus propter

quem eleemosynam facis, optimus est, & gratissimus. Malo benè agere, bonum est. Duplex ibi bonum, & geminata virtus: quod & hominem alis & malitiam vincis: Deus solem suum oriri facit super bonos, & malos. Tu fac similiter. Non orabit pauper, si malus est: eleemosyna pro te orabit; sicut scriptum est: conclude eleemosynam in sinu pauperis, & ipsa orabit pro te. Non te fallit pauper, si indigentiam simulat. Tu qui simplici animo donas, non diuiti, sed indigenti tribuis. Se ipsum fallit, si rapit. Mercedem tuam ipse non perdis. **Tu autem, &c.**

R. Frange esurienti, &c.

Lectio viij.

Verumtamen etsi ita sit, volo te intelligere, cui præstes. Pauperum enim multæ differentiæ sunt. Quidam fideles, quidam infideles. Præsta primùm fideli, iuxta dictum Apostoli: Maximè autem ad domesticos fidei. Quidam pro-

propinqui, alij extranei. Ceteris paribus, prius propinquo succurre. Quidam boni quidam mali, bono prius præstandū est. Quidam voluntarij, quidā coacti; Voluntario prius, qui dignior est. Quidam pauperes, alij egeni; Egeno prius dandū; quoniam melius est vitę succurrere, quā pudori; personam fouere, quā honorem. Hinc multi falluntur, qui famescientibus & indigentibus necessaria tollunt, vt superbientibus superflua porrigant. Si fratris tui pudori succuris, ne mendicare cogatur, benè facis. Nolo valdè discernas personas: nolo multū honores sæculi ponderes: vbi maior est necessitas, ibi proculdubio pecunia melius erogatur. **Tu** autem, &c.

R. Sapientia, &c,

Lectio ix.

SI tamen virum sanctum & indigētem reperire potuisti, cui necessaria de tuis facultatibus tribuas, grandis tibi à Deo gratia

fit. Libenter illum tuarum cōsortem assumito, vt tuarum particeps ipse fias. Optima permutatio, temporalia pro spiritualibus commutare. Apostolum audi: vestra abundantia, illorum inopiam suppleat, vt & illorum abundantia, vestræ inopiæ sit supplementum, & fiat æqualitas. Si enim tibi in temporalibus communicas, ipso facto in eius spiritualibus ipse communicas, & maiorem tribuit, quā recipiat elemosynam. Habet Deus vnde alit amicos; sed propter aliorum incommodum eos patitur indigere: vt hac dati & accepti ratione plurimorum saluti melius consulatur. Aliud etiam est Regis seruum, aliud amicum pascere. Taceo, quòd Dominus notanter de fratribus dixerit: Amen dico vobis, quāmdiu fecistis vni de fratribus meis minimis, mihi fecistis. **Tu** autem, &c.

Tc Deum laudamus, &c.

Die 25. Septembris. Octaua S. Thomæ duplex.

Omnia sicut in die festo, præter ea, quæ subsequuntur.

Oratio.

DEus, qui Patrem pauperum B. Thomam Præsulibus in exemplum posuisti: præsta, quæsumus, ut qui indigentibus opem tulit in terris, suis nos precibus iuuat in cœlis. Per Dominum, &c.

In primo Nocturno. Lectiones de scriptura corrente.

In secundo Nocturno.

Lectio iv.

PVellis egenis, pauperum Pater Thomas doctem liberalissimè suppeditauit. Captiuus ex Maurorum iugo redimendis ingens litrum profudit. Infantibus exposititijs affectum impendit, curamque verè paternam. Tria denique instituit & dotauit Collegia: ex quibus tum probitate, tum doctrina præstantes plurimi prodierunt. Insignem hanc pietatem pijss-

simus ille Dominus, qui est mirabilis in Sanctis suis, esse sibi acceptissimam miraculis plurimis confirmauit. Thoma enim pro indigentibus flagitante, vacuum horreum momento temporis ita exuberauit, ut præ nimia grani affluentia fores nequiquam referari potuerint. Aliàs qui paralyti laborabat annos quadraginta, in pedes simul se erexit, dum Sanctus Præsul signum sanctę Crucis super eum formaret. Tu autem, &c.

& Indicabo tibi, &c.

Lectio v.

INter mentis eleuationes, quas frequentissimè patiebatur sublimis ille cælestium contemplator, miraculosa prorsus fuit illa quando in ipsa ascensionis Dominicę celebritate, diuino officio præsens ad Antiphonam Nonæ: Videntibus illis eleuatus est, ipse quoque è terra sublatus, integro duodecim horarum spatio prorsus immobilis, videntibus omnibus permansit.

manſit. His tandem mul-
tiſquè alijs meritis plenus,
in febrem incidit, & cum
peculium omne in pijs uſi-
bus conſumpſiſſet, pauper-
rimam quoque ſupelleſti-
lem in pauperes partitius
eſt. Oblitus autem cuiuſ-
dam Patris familias, cubile,
in quò moribundus iace-
bat, ei donauit, iuſſitquè,
vt auferret; ſe verò ſuper
ſtoreã reponi. At renuenti-
bus familiaribus, per Viſce-
ra Ieſu Chriſti, cubilis uſum
ad mortem uſque ab eo,
cui donauerat, humillimè
rogitauit, vt qui paupe-
ribus totus vixerat, in alic-
no decedens, pauperrimis
moreretur. **I**u autem, &c.
R. Solem ſuum, &c.

Lectio vi.

Orans itaque, & vigi-
lans, cum vltimum
vitæ terminũ intelligeret,
exhilaratus, gratias egit,
dicens! Letatus ſum in his,
quæ dicta ſunt mihi in do-
mum Domini ibimus. In
ſuo porrò cubiculo ſacro-
ſanctum ſacrificium confi-
ci, & Dominicæ paſſionis

Euangelium ſecundũ Ioan-
nem legi voluit: eoquè cũ
altiffima contemplatione,
audito, ac mira pietate &
humilitate auguſtiſſimo Sa-
cramento ad eleuationem
adorato, præ gaudio ingētē
vim lachrymarũ profundēs
inchoauit Canticũ: Nunc
dimittis: eoquè abſoluto;
In manus tuas, Domine,
commēdo ſpiritum meum:
Quæ cum diceret, expirauit
ipſo feſto Natiuitatis Bea-
tiſſimę Virginis, cuius dum
viueret, amore languebat,
annos natus octo, & ſexa-
ginta. Quem Alexander
Septimus Pontifex Maxi-
mus magnis ſicut ante, ita,
& poſt mortem miraculis
coruſcantem, Sanctoꝝ nu-
mero adſcripſit ipſo omniũ
Sanctorum feſto; eiſquè
memoriam annuam quar-
todecimo Kalendas Octo-
bris celebrari mandauit.

Tu autem, &c.

R. Surrexit filius, &c.

In tertio Nocturno.

Lectio vii.

Lectio S. Euangelij ſecun-
dum Lucam. cap. 12.

In

IN illo tempore dixit Iesus discipulis suis: Venite quæ possidetis & date eleemosynam. Et reliqua. Homilia S. Thomæ Episcopi. *Conc. 2. de S. Martino.*

Tertiò videndum est, quantū tribuas. Eleemosyna quippe diuitibus non consilio monetur, sed præcepto indicitur. Nā diues ille auarus in Euangelio dānatur; non quia rapuerat aliena, sed quia propria non donauerat. Et in die iudicij non largientibus dicitur: esuriui & non cibastis me, sitiui, & non me potastis: ite maledicti in ignem æternum. Durtia hæc, & tenacitas sufficit ad gehennam. Quantum ergo dandum est pauperi? Audi Ioannem: qui habet duas tunicas, det vnā nō habenti: & qui habet escas, similiter faciat. Dicit forsitan: dare mediētātē multum est: sunt mihi vxor, & familia, quas nutriam: his omnibus mediētas reliqua non sufficeret. Nolo ad ratiocinium te adducere: fac

sicut filio suo Tobias consuluit: quomodo potueris: ita esto misericors. Si multum tibi fuerit; abundanter tribue: si exiguum tibi fuerit, etiam exiguum libenter impartiri stude. Hęc fac, vt viuas. **T**ū autem, &c. **R.** Frange esurienti, &c.

Lectio viij.

Sed non tam videndum quantū tribuas, quam propter quem & quomodo tribuas. Deus non respicit quantum, sed ex quanto. Vnde Apostolus: si distribuero omnes facultates meas in cibos pauperum; charitatem autem non habuero, nihil mihi prodest. Non acceptantur à Deo opera, quæ propter ipsum non fiunt. Nouit Deus, quā intentione facias, quem finem præendas. Admonet Dominus. Cum facis eleemosynam, noli tuba canere ante te. Nesciat sinistra tua, quid faciat dextera tua. Vide ergo, vt quidquid facias, purē & rectē propter Deum facias & in abscondito: vt Deus, qui videt in abscon-

abscondito, reddat tibi. Noli committere famulo tuo eleemosynas, ne hoc & ipse sciat: sed tu eas per te ipsum manu tua facito. Noli abominari pauperis illuuiem, & nuditatem eius ne abhorreas. Tu de manu tua illi præstato, & fortè cor in Deo amplius tibi ad præmium ex corde comparsio, quàm ex bursa denarius reputabitur. Tu autem, &c. *& Sapientia, &c.*

Lectio ix.

Restat ultimò videndum, vt quomodo tribuas, attendas. Non ex tristitia aut necessitate; hilarem enim datorem diligit Deus. Animum Deus respicit magis, quàm donum. Quid ò Miser homuncio? quid affligeris, quid tristaris, quia nummulos tuos pauperibus erogasti? non erogasti, sed semina- sti; amplissimos inde manipulos suo tempore collecturus. Thesaurizasti tibi thesauros perpetuos in cœlo. Eia igitur, fratres, arripite viam salutis: intelligite super egenum, & pau-

perem: vt, cum ipsi egueritis, intelligat Deus super vos. Non expectetis, vt pauper prius suas necessitates enarret, & erubescat: nè erubescendo hanc ipsam eleemosynam promereatur, quam accipiet. Hilari animò prius succurrite quàm robur petitionis accedat. Nolite expectare vt roget, vt instet vt erubescat. Sed vos eius indigentiam prius intelligite, & præueniendo succurrite. Benedictus Deus, qui dedit vobis, vnde & alijs succurratis, & animas vestras redimere possitis. Tu autem &c. *Te Deum laudamus, &c.*

In secundis Vespers octauæ S. Thomæ fit cōmemoratio Sanctorum Martyrum Cypriani, & Iustinæ.

Ant. Istorum est enim, &c. V. Lætamini, &c. R. Et gloriamini, &c. Oremus.

Beatorum Martyrum Cypriani, & Iustinæ nos Dñe foueant continua præsidia: quia nō desinis propitius intueri, quos talibus auxilijs concesseris adiuuari. Per Dominum.

Missam, & Officia prædicta de Sancto Thomæ
à Villanova Ordinis Eremitarum Sancti
Augustini in die eius Festo, ac per Octauam ab utrius-
que sexus Regularibus eiusdem Ordinis recitanda
ac respectiue celebranda, Sacrorum Rituum Congre-
gatio approbavit: ac ad vsum eorundem Regularium
imprimi posse concessit. Die 8. Iulij 1662.

I. Episc. Sabineñ. Card. Sacchetti.

Loco †, Sigilli:

Franciscus Maria Phœbus Sac. Rit. Congreg. Secr.